

Намозни фақат фарзини ўқиш

09:40 / 24.03.2019 8922

Ассалому алайкум! 5 маҳал намозни фақат фарзларини ўқисам бўладими?

"Зикр аҳлидан сўранг" ҳайъати:

- Ва алайкум ассалом! [Аллоҳ](#) таоло Ўзи севган [амалларни](#) пайғамбарларига [суннат](#) қилиб берган. [Мусулмон](#) киши қанчалик кўп суннатга амал қилса шунчалик Аллоҳга маҳбуб бўлади. Аллоҳга маҳбуб бўлган инсонни Аллоҳ таоло ўзгаларга ҳам маҳбуб қилиб қўяди.

أَهْنَعُ هَلْ لَأِيضَرَ رَبِّي بَحْمِمْ أُنَع
يَلَصِ هَلْ لَأَلُوسَرُ تُعَمَسُ؛ تَلِاق
نَمُ أَمْ؛ لُوقِي مَلَسَوِ هَيْلَعُ هَلْ لَأ
لُكِ هَلْ لِي لَصِي مَلَسُمِ دَبَع
أَعُوطَاتٌ عَكَرَةٌ رُشَعُ يَتْنُثِ مَوِي
هَلْ هَلْ لَأِي نَبِ أَلِ إِضِرْفِ رِيغ
مُ أُمَّ تَلِاقِ، هُنَجْ لَأِي فِ أَتِي ب

نَهَيْتُمْ عَنْ تَحْرِيْبِ اُمِّ فِ اَهْلِ بَيْتِ بَح
 يْرَاحُ بُلَا اِلْ اِهْلُ سَمِ خُلَا هَاوْرُ دُعَب
 رَهْ ظَلَا لُبَقِ اَعْبُرَا اِيْ ذِمْرَتِ لَادَاوْ
 دُعَبِ نَيْتِ عَكْرُو ، اَهْدُعَبِ نَيْتِ عَكْرُو
 ، اَشْعَلَا دُعَبِ نَيْتِ عَكْرُو ، بَرُعَمْلَا
 رُجْفَلَا اِلْ صَلْبِ قِ نَيْتِ عَكْرُو

Умму Ҳабийба розияллоҳу анҳодан ривоят қилинади:

«Қайси бир **мусулмон банда** ҳар куни **фарздан** ташқари ўн икки рақъат ихтиёрий **намоз** ўқиса, албатта, Аллоҳ унга **жаннат**да уй қуриб беради», дедилар.

Умму Ҳабийба: «Шундан кейин уларни доимо ўқиб келмоқдаман», дедилар».

Бешовларидан фақат Бухорий ривоят қилмаган.

Термизий: «Пешиндан олдин тўрт ва кейин икки рақъат, Шомдан кейин икки рақъат, Хуфтондан кейин икки рақъат, Бомдоддан олдин икки рақъат»ни зиёда қилган.

Шарҳ: Ҳанафий **мазҳаб**и мана шу ривоятни маҳкам ушлаб, ҳаётга яхшилаб татбиқ қилган мазҳабдир. Ушбу ҳадисда фарз намозларига тобе бўлган суннатларни қўймай, ўқиб боришга қаттиқ тарғиб ва улкан ваъда бордир.

Бу ваъда бўйича, ушбу намозлар учун мукофот тариқасида Аллоҳ таоло томонидан жаннатда алоҳида уй қуриб берилиши таъкидланмоқда.

Фарз намозларга тобе бўлган суннат намозларини қўймай, ўқиб боришга бундан ортиқ тарғиб бўлмаса керак. Шунинг учун ҳам

Умму Ҳабийба онамиз ушбу ҳадисни эшитганларидан бошлаб, у намозларни асло қолдирмаганлар. Биз ҳам худди шундай қилишимиз лозим.

Фарз намозларидан олдин ўқиладиган суннат намози ўзига хос равишда фарз намозга тайёрланиш вазифасини ҳам ўтайди. У намозни ўқиб, анча тайёрланиб олган намозхон учун фарз намозининг [хушуъ](#) ва хузуъсини жойига қўйиш осон бўлади.

Фарз намозларидан кейин ўқиладиган суннат намозлари эса фарз намозда баъзи қусур ва камчиликлар содир бўлса, ўрнини тўлдириш вазифасини ўтайди.

Шунинг учун ҳам [шариат](#)да бу намозлар «[мукамилот](#)» — «тўлдирувчи намозлар» деб аталади. ("[Ҳадис](#) ва Ҳаёт" [китоб](#) идан). [Валлоҳу аълам!](#)